

Wustawki Serbskego muzeja

Na zaklaže artikla 25 wustawy Bramborskeje wót dnja 20. awgusta 1992 (Bbg GVBl. žel I, b. 298 ff.) a § 3 wótstawk 1 komunalneje wustawy kraja Bramborska wót dnja 5. měrca 2024 (GVBl.I/24, [cysło 10], b., ber. [cysło 38]) ako teke § 1 wótstawk 3 sada 1 a 2 a § 7 wótstawk 2 kazni wó wugótowanju pšawow Serbow w kraju Bramborska (Serbska kazń - SWG) wót 7. julija 1994 (Bbg GVBl.I/94, [cysło 21], b.294) w danej plašecej wersiji jo zgromažina měšćańskich wótpósłańcow města Chóšebuz/Cottbus na dnju 24.09.2025 slědujuce wustawki za Serbski muzej wobzamknula.

§ 1 Pšawniska forma

1. Serbski muzej jo pšawniski njezamózna zjawna institucija města Chóšebuz / Cottbus a žel Měšćańskich zběrkow Chóšebuza. Wón jo fachowemu wobłukowu kultura pširědowany.
2. Woglěd do Serbskego muzeja wótmějo se na priwatnopšawniskem zaklaže.
3. Serbski muzej ma swójo sedło na Młyńskej droze 12, 03046 Chóšebuz / Cottbus.

§ 2 Wótwórjeńske case

Serbski muzej ma póstajone wótwórjeńske case. Wótwórjeńske case se z wupowjeskom resp. pšez wózwajenje na homepage Serbskego muzeja znate cynje.

§ 3 Zaměr

1. Serbski muzej ma w kraju Bramborska specifisku a centralnu funkciju pši zachowanju, spěchowanj a pósrědnjenju serbskich kulturnych a wumělskich stawiznow w Dolnej Łužycy. Trajna wustajeńca pósrědnijo doglědy do poltera lěttysaca słowjańskich stawiznow na pólu žinsajšneje Nimskeje. Pšez swójo žěło wugbajo muzej njewuzbytny pšinosk k zdžaržanju a k stajanju narodneje identity Serbow ako teke k zmócnjenju kulturneje wjelerakosći a interkulturelnego rozgrona. Wužywanje serbskeje rěcy a nimskeje rěcy stawa se rownopšawnje.
2. Serbski muzej jo zjawna institucija, kótaraž sluży zaměroju njeformalnego kulturnego kubljanja. Wón zachowa, wótkšywa a prezentěrujo znankstwa swóich zběrkow zjawnosći. Zwopšawdnjenje wustawkowych zaměrow pšewježo se pšedewšym pšez:
 - zběranje historiski wuznamnych znankow a objektow,
 - wěcy wótpowědajuce zdžaržanje, woplěwanje a zachowanie wobstatka muzeja,
 - inwentarizaciju ako teke wědomnostnu dokumentaciju a katalogizaciju zběrkow,
 - slěženje we wobłuku wobstatka ako teke wó serbskich stawiznach, kulturje a rěcy, wósebnje za pšigótowanje trajnych a wósebnych wustajeńcow ako teke publikacijow,
 - prezentaciju trajneje wustajeńce wó serbskich kulturnych stawiznach Dolneje Łužyce ako teke pšawidłowne wósebnje wustajeńce,
 - muzejumowe pedagogiske žěło, wósebnje ze žišimi a młodostnymi, na pšikład pšez wježenja, pšednoski a wósebnje pórućenja,
 - napšawy zjawneho žěła ako teke publikacisku žělabnosć,
 - impulse k dalejwuwijanju serbskego wumělstwa a kultury,
 - pšewježenje fachowych konferencow a diskusijnych forumow,
 - zgromadne žěło z muzejami a dalšnymi institucijami w tu- a wukraju, inkluziwnje stajanje póžyconkow k dispoziciji.

3. Serbski muzej ma bžezwuwžešnje a njepósrědnje za wšych wužytne zaměry w zmysle pódstawka „danki pónižujuce zaměry“ dankowego póřěda. K póžedanju spěchowańskich srědkow w zwisku z wudopołnjenim nadawkow muzeja jo nawjedowańska kuratorka resp. nawjedujucy kurator ako teke wjednistwo Měsćańskich zběrkow Chóšebuza wopšawnjone. Póžedanja póderbje pjerwejše wótgłosowanje ze zagronitym fachowym wobłukom měsćańskego zastojnstwa.

4. Serbski muzej jo ako žěl Měsćańskich zběrkow čłonk w Nimskem zwězku muzejow a w Muzejowem zwězku kraja Bramborska. Wón zepěra se na etiske směrnice Mjazynarodnej rady muzejow (ICOM), wósebnje na „Kodeks pówołańskeje etiki za muzeje“, wobzamknjony na XIV. generalnej konferency ICOM 1986 w Buenos Aires, w tegdejšnej plašecej wersiji.

§ 4 Zgromadna wužytnosć

Serbski muzej statkujo njesebnje a njama w přědnem rěže swóje góspodařske zaměry.

Wudobytki ako teke howacne nabranki a srědky Serbskego muzeja směju se jano za wustawkam wótpowědujuce zaměry wužywaš.

Žedna wósoba abo město Chóšebuz njesmějo pšez wudaša, kótarež su zaměroju Serbskego muzeja cuze abo pšez nadměrnje wusoke zarownanja, lěpšyny dostaš.

§ 5 Woplata

Za woglěd do Serbskego muzeja ako teke za wužywanje rumnosćow wót tšešich se plaśonk pomina. Drobnosći su w mytowych póřědach řědowane.

§ 6 Nabyše plaśiwosći

Toš te wustawki dostanu plaśiwosć na 1.11.2025.

Chóšebuz / Cottbus, dnja xx.x.xxxxx

Tobias Šik

Wušy šołta města Chóšebuz / Cottbus